



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თალათ-ფაშა მეჰმედ

თალათ-ფაშა მეჰმედ (Talât Paşa) (10. IV. 1874 – 15. III. 1921), ოსმალეთის პოლიტიკური მოღვაწე. ახალგაზრდა თურქთა პარტიის „ერთობისა და პროგრესის“ თავმჯდომარე; მეჯლისის დეპუტატი; 1913 სახელმწ. გადატრიალების შემდეგ, ტრიუმვირატის (ენვერ-ფაშა, ჯემალ-ფაშასთან ერთად) წევრი. 1914, რუსეთის წინააღმდეგ საიდუმლო ხელშეკრულების დადების მიზნით, თ.-ფ.-მ ენვერ-ფაშასთან ერთად მოლაპარაკება გამართა ლ. კერესელიძესთან, „საქართველოს განთავისუფლების კომიტეტის“ წევრთან. თ.-ფ.-ს ბრალად ედებოდა I მსოფლიო ომის დროს სომხების გენოციდში მონაწილეობა. იგი მეთაურობდა ოსმ. დელეგაციას ბრესტ-ლიტოვსკის საზავო კონფერენციაზე, სადაც მოითხოვა, რომ რუსეთის ჯარებს დაეტოვებინათ კავკასია. გერმ. დახმარებით მან მიაღწია შეთანხმებას, რ-ის თანახმად „რუსეთს დაუყოვნებლივ უნდა გაეყვანა თავისი ჯარი ყარსის, არტაანისა და ბათუმის ოლქებიდან“. ამიერკავკასიის კომისარიატის მთავრობამ თავისი დელეგაცია არ გააგზავნა კონფერენციაზე. ამიტომ „საქართველოს განთავისუფლების კომიტეტის“ წევრები, რ-ებიც I მსოფლიო ომის დროს ბერლინში მოღვაწეობდნენ, საქართველოს ინტერესების დაცვის მიზნით, თავიანთი ინიციატივით დაუკავშირდნენ გერმ. პრინც ლეოპოლდს (გერმ. აღმ. ფრონტის მთავარსარდალი), მისი შუამავლობით შეხვდნენ თ.-ფ.-სა და ოსმ. წარმომადგენლებს და გარკვეულ შეთანხმებას მიაღწიეს. ომში ოსმალეთის დამარცხების შემდეგ თ.-ფ. ბერლინში გაიქცა, სადაც 1921 მოკლეს დაშნაკმა ტერორისტებმა.

ლიტ.: გ ი გ ი ნ ე ი შ ვ ი ლ ი ო., თურქიზმი და ოსმალეთის საგარეო პოლიტიკა, თბ., 1963; ს ვ ა ნ ი ძ ე მ., 1914 წელს ოსმალეთსა და „საქართველოს განთავისუფლების კომიტეტს“ შორის დადებული საიდუმლო ხელშეკრულება, წგ.: ქართული დიპლომატია. წელიწადეული, ტ. 2, თბ., 1995.

